

皇明通紀法傳全錄

皇明通紀法傳錄卷二十

東莞 陳建 輯

西湖 高汝斌 閱

高 其翰 校
其閱

已巳正統十四年正月福建巡按御史汪澄以畏避奏
奏賊情下獄誅之○大發兵討閩寇先是陳韶既敗師
旋賊勢益熾遂圍延平汀州張楷奏請益兵乃命寧陽
侯陳懋掛征夷將軍印充總兵官保定伯梁寶平江伯
陳豫爲左右副總兵都督范雄董興爲左右叅將兵部
尚書金濂叅贊軍務太監曹吉祥陳蕪監軍御史張海
丁宜紀功大發兵討之○鄧茂七寇建寧掌府事福建

鄭茂七死

左叅政張瑛戰歿瑛初知建寧府存心愛民多善政進叅政仍掌府事至是茂七寇城瑛憤親率兵拒戰陷陣而死

唐天寶
劉光有
雲南今
說北街
亦有
世道

二月鄧七寇延平中流矢死賊黨推茂七兄子伯孫為主○北虜來貢尋發兵寇邊時虜酋也先遣使二千餘人進馬報作三千人王振怒其詐減去馬價虜使回報遂失和好發兵寇邊○貴州苗反麓川之役朝議皆以爲不可獨王振與王驥主之盡調雲南貴州兵以行連兵十年陞秩萬數而夷酋逋誅將士多死大軍未班別衛空虚苗僚乘間竊發攻圍城堡於是貴州東路閉

并序之氣
無乃有教
存焉是
委都教焉
何如從民
請而決一
先教勝負
未可知也

少年老成
天生英品

矣。與都督官聚張軌等先後擁歸師所至人遮泣乞
通道。皆曰吾征麓寇不受命殺苗也。去之。苗前截後
我軍無復紀律。歿亡萬數。軌等僅以身免。諸城被圍。
餘乃解。餓死者大半。而東南因之騷動。○巡撫南直隸
工部侍郎周忱入朝。留為戶部尚書。
忱謀慮深長。理
財無出其右。

權監察御史韓雍為右僉都御史巡撫江西。

蘇州吳縣人。才識聰敏。嚴明敏。先巡江西有聲。
吏民奉留。重按一年。時雍後二十有八。民情吏治。素
所諳練。風采凜然。恩威大著。凡臨聚決事。動發數
百言。皆引經據律。無一語疎濇。設施最惟興情。

浙江僉事陶成招賊首葉宗留。陳諫胡降之。權成按察

陶成亦是
有廢置人

南京官殿
災

副使時都督徐恭尚書石璞等屯師日久賊深入險阻
乘間時出官軍調集又復遠遁師老財費計無所出成
與僕隸四五人徑抵賊巢諭以禍福言辭懇惻宗留等
環聽竦動悔悟率黨出降惟陶得二不受詔殺使者引
餘黨遁入山中

六月南京官殿災是月丙辰夜雷電大震風雨驟作護
身殿火起延入奉天華蓋二殿奉天諸門皆燬盡下詔
赦天下自王振擅權上千天象災異屢見浙江紹興山
移于平地又地動白毛偏生陝西二處山崩壓沒人家
數千戶一處山移有聲叫三日移數里黃河改往東流

庚戌入南
斗天
下
殿走
禦式
高
歌時
有
驗

審錄之始

于海淹沒人家千餘戶振宅新起于內府乾方未踰時
一火而盡又南京殿宇一火而盡是夜大雨明日殿基
上生荆棘二尺高災害種種盡諱言之至是始下詔赦
盜不可遏蝗不可滅天意不可回矣○前少保大學士
致仕黃淮卒謚文簡○是月癸亥入南斗時侍講徐程
蘇州人頗知天文私語其友劉薄以不祥久之不退舍
程曰禍不遠矣亟命妻孥南歸皆重遷有難色程怒曰
爾不急去直欲作犍子婦邪乃行○詔清理刑獄上
命太監金瑛同三法司堂上官審之

時春夏不雨議令審獄囚以消天變然此內臣五年
審錄之始也

審錄之始也

嘉慶皇帝

尺便中坐前書以下俱左右列坐。

封都督楊洪為昌平伯充總兵官鎮守寧府

洪以漢中百戶累陞是時尋以守獨石賊虜于宣府大石門寶昌州斬首功封伯虜畏之呼楊王。

詔張楷還兵仍討浙賊凡三司官皆得貸死惟前後巡按柴文顯汪澄俱極刑蓋振惡御史權重故殺之

此何等大事而不與大臣議耶

秋七月王振不與大臣議挾天子率師親征明日朝罷上宣諭出師又明日即行大臣倉卒不及言各退以待駕時驗封郎中趙敘謂虜勢猖獗駕不可出自于家宰乃約大臣上章留之不從明日駕出總兵官以下亦弗預知軍士俱無備文武大臣皆匆匆失措而隨之

宣德以來
胡人屯中
國和好殺
歲進馬
來厚往來
皆大舉入
寇或有擾
亂不過百
餘騎耳

天時人事極不順。至龍虎臺扎營。方一鼓卽虛驚衆。以爲不祥。明日至居庸關。又明日過懷來。又二日至宣府。連日非風則雨。人情洶洶。聲息愈急。隨駕文武連上章留之。振益怒。俱令掠陣。明日當過雞鳴山。衆皆危懼。無不歎息怨恨者。學士曹鼐不勝其怒。與三五御史約會。謂天子蒙塵。六軍喪氣。無不切齒於振。若用一武士之力。梓而碎其首于駕前。數其奸權誤國之罪。卽遣將領兵詣大同而駕可回也。欲謀于英國公。不得。間竟行。人人自危。未十日。軍士已乏糧矣。方秋禾稼過野。所遇一空。將至大同。僵尸滿路。寇亦開壁待我深入。

機中意扶
駕裡不度
時勢而強
行事已迫
失機誤機
其過情逐
至陷膚何
惡乎此

大同。又欲北行。益恣迫脅。成國公朱勇。膝行聽命。戶部
尚書王佐。竟日跪伏。草中惟欽。天監正。彭德清斥振曰。
象緯示警。不可復前。若有疎虞。陷。乘輿于草莽。誰執
其咎。學士曹鼐曰。臣子固不足惜。主上係天下安危。
豈可輕進。振怒詈之曰。倘有此。亦天命也。會暮。有黑雲
如繖。罩營。雷雨大作。滿營人畜驚懼。振惡之。會前軍西
寧侯朱瑛。武進伯朱冕。全軍覆沒。鎮大同中官郭敬。密
言于振。其勢決不可行。振始有回意。明日班師。大風至。
晚雷雨滿營。大懼。大同副總兵郭登謂。駕宜從紫荆
關入。庶保無虞。振不聽。還至狼山。虜追且及。遣朱勇率

使如楊洪
右軍能出
戰卒以冲
其後必無
是敢何謂
驚惶無措
閉門不出

兵五萬禦之。勇無謀。冒入鵠兒嶺。虜于山兩翼。邀阻夾
攻。殺之殆盡。兵部尚書鄭瑩請車駕疾馳入關。而嚴
兵爲殿。振怒曰。汝腐儒。安知兵事。次日。駕至土木。日
尚未曠。去懷來城二十里。欲入保懷來。振輜重千餘輛
在後。未至。振待之。遂駐土木。旁無水泉。十四日。欲行。虜
已逼四面合圍。大營不敢動。至十五日。將午。人馬不飲
水。已二日。渴極。掘井深二丈。無水。虜見我營不行。爲退
圍。遣使持書來通和。召曹鼐。草勅與和。遣二通事與虜
使偕往。振急傳令。移營南行。迴旋之間。軍伍已亂。爭先
奔逸。勢莫能止。虜騎蹂陣而入。奮長刀以砍我兵。大呼。

上之策也
 也王振治
 天之罪歸
 望成而戎
 敗曹歸平
 軍有客不
 能力沮死
 神子嗣徒
 自構羅神
 野豈所謂
 以死勤事
 者哉

此房具照

授戈者不殺四面擊之竟無一人與關俱解甲去衣以
 待死或奔營中積疊如山幸而胡人貪得利不專于殺
 二萬餘人中傷居半死者三之一驢馬亦二十餘萬承
 甲兵器盡為胡人所獲滿載而還上遂北狩百官咸
 者英國公張輔尚書鄭絰王佐學士曹鼐張益而下數
 十人其幸免者蓬頭赤身踰山墜谷連日飢餓僅得達
 關自古胡人得中國之利未有盛于此舉者胡人亦自
 謂出于望外至乘輿為其所獲豈偶然哉我師敗績
 上乃下馬盤膝面南坐有一虜索衣甲不與特為不利
 其兄來曰此非凡人舉動自別乃以見也先之弟賽刑

此寔天相之也不則

為晉之資

次行酒與

宋之要身

涉漢耳

伯顏大有八心豈可

以爲終日

懷子野心

贊一

王。上問曰：子其也先乎？其伯顏帖木兒乎？賽州王乎？

大同王乎？虜聞語大驚。馳見也先曰：部下獲一人，甚異。

得非大明天子乎？也先召先使中國二人問：是否？二

人見大驚曰：是也。也先曰：我嘗視天，求大元一統天下。

今乃落我手，問衆何以爲計？其中一胡名乃公大言曰：

大元之讎，今天以賜我，不如殺之。伯顏帖木兒大怒呼：

也先爲那顏。那顏單言安容此輩在旁開口，權其面曰：

去。那顏只欲留萬世美名。大明天子雲端裡坐，不知

上天何故推下之。萬衆咸傷之中，鐵矢不需寸，兵不深。

吾知天意之有在也。且我等嘗受其賜，九龍蟒龍猶在。

安得嘗之。當報中。因遣使來迎。送還之。三日復坐寶位。

之上。豈不有萬世美名乎。衆皆曰者。胡語云者。於是也。

先以。上送伯顏帖木兒營。令護之。伯顏亦也。先弟也。

○十七日。聖駕夜探宣府河。袁彰松局渡訖。報至京。

師大震。是日。皇太后遣使齎黃金珠玉衮龍段疋等。

物。馳以八馬。諸也先營。請還。車駕。○十八日。皇太

后召百官入集闕下。命。郕王權總萬機。于午門南面。

見百官。政事奉令施行。衆皆謂行且即真矣。○二十日。

立。皇長子見深為。皇太子。時年二歲。乃命。郕王

為輔。代總國政。撫安天下。○二十二日。郕王臨午門。

黃光昇曰
首言取司

皇太后
遣使齎
黃金珠
玉衮龍
段疋等
物馳以
八馬諸
也先營
請還車
駕

諫侍于殿
特掌兵戎
方六師將
出之時長
其成發無
能力阻成
諄今事竣
勢阻而後
彈壓雖好
剛罪惡不
容株然于
大事已無
及矣

左門早朝六部及科道官交章劾王振擅權誤國之罪
王諭以朝廷自有處置忠心憤鬱叫號不已曰王振罪
惡滔天傾危社稷今日若不速正典刑滅其罪惡何以
慰安人心因慟哭聲徹中外王起入內使將閤門衆
隨擁入太監金英傳令旨且退衆忿欲梓英英懼復傳
旨言籍沒王振等家英脫身入錦衣衛指揮馬順從旁
叱各官起去給事中王佐憤起梓馬順首曰順平昔助
振爲惡禍延生靈今日至此尚不知警真姦黨也衆爭
毆之蹴踏槍裂頃刻而斃血流于庭中復索振所親信
長隨王毛二人亦毆殺之曳三尸陳于東安門都御史

陳鑑奉令旨，籍振宅，執其侄錦衣衛指揮王山至，反接跡于庭，衆共唾罵之。是時衆共誼譁，班行雜亂，無復朝儀。文武諸大臣皆驚避。王亦疑懼，屢起欲退還宮。兵部侍郎于謙直言扶掖勸止之，且請降令旨，馬順罪惡，應勿論，獎百官各歸澁事，皆拜謝而出。時過午刻矣。明日，移王座入奉天門左受朝。由此卽真之議益急。振宅在京城內外，凡數處重堂邃閣，擬于宸居，器服綺麗，上方不逮。玉盤徑尺者十面，珊瑚樹高六七尺，金銀十餘庫，儗山于市。其族屬無少長皆斬。○逮宣府總兵楊洪、萬全左叅將石亨，繫錦衣衛獄。時洪與亨有協守

果是上策
何以不行
且之者維

之責。坐以不救。乘輿。故城。繫詔獄。○皇太后命以于
謀爲兵部尚書。○二十三日。虜擁。上至大同城下。索
金幣。約賂至。卽歸。駕都督郭登。閉門不納。上傳旨
曰。朕與登有姻婭。何外朕若此。登遣人傳奏曰。臣奉命
守城。不敢擅啟。開隨侍校尉袁彬。以頭觸門。大呼。於是
廣寧伯劉安等。括公私金銀共萬餘兩。出迎。駕旣獻
虜笑不應。竟擁。駕去。初虜來索賂。郭登曰。虜給我耳。
莫若以計伐其謀。劫其營奪。駕入城。此爲上策。乃謀
以壯士七千餘人。餉之食。令奮前執其弓刀。因擁。駕
還。召壯士與之謀。激以忠義。約事成。高爵厚賞。士皆奮

失此機會
更可惜也

袁彬哈銘
二人隨侍

皇明法傳錄 卷二十八
躍用命已書券給之會有沮者既淹久虜驚擾而去
上既陷虜營也先屢欲謀害是夜忽大雷雨震久也先
所乘青總馬 上令袁彬出帳房外窺視但見赤光畢
定 御帳虜謀乃沮又雪夜令人行刺其人見一大蟒
蛇遠護帳外畏怖而去虜人由是益加敬禮焉袁彬者
錦衣校尉頗知書識字為虜所掠得侍 上左右又有
哈銘者先隨使臣吳良羈留在彼至是亦隨侍焉 駕
留虜庭維持調護以至旋軫二人之力居多○二十八
日 上至野松林也先營在焉 上入營坐也先拜稽
首乃侍坐宰馬設宴其妻妾以次奉 上酒歌舞以為

娛復居伯顏帖木兒營。伯顏與妻見上亦如也。先禮每二日獻羊，七日獻牛，或馬，逐日進牛乳、馬乳。二人每獵，則又以其所獲野牛、黃羊之類來獻。又進窩兒、帳房一項，差韃婦管起管下。○二十九日，皇太后遣太監金英傳旨：皇太子幼沖，未能踐祚，遽理萬幾。邠王年長，宜早正大位，以安國家。議者亦以時方多故，人心危疑，思得長君以弭禍亂。於是文武羣臣交章勸進，擇日行禮。○是日，令旨命翰林修撰商輅、彭時入內閣，講事。○是月，廣州盜黃蕭養圍廣州，殺副總兵都指揮使王清，遂僭稱東陽王。

魏明帝曰
若知多智

國儲已定
郡王為輔
何不逾月
遂有勳進
之舉豈意
于國實貴

皇明法傳錄

卷二十

蕭養者南海冲鶴堡人。貌甚陋。眇一目。而有智數。生
強盜在郡。歲輸年所。以飲其皮。忽青。色漸生。竹葉同
禁。江西一商人。謂曰。此禍端也。因致以不悅。使人藏
利斧。飯桶中。破銀錠。越獄而出。凡十九人。其黨藏舟
以待。遂遁入海。嘯聚羣盜。赴之者。如歸市。旬日間。至
萬餘人。至是攻圍郡城。官軍禦之。輒為所敗。城中飢
疾者。如疊。與雲。楊。居公車。衝城。幾為所破。招誘愚民
漸至十餘萬。王清自高州引兵赴援。至沙角尾。舟膠
淺木。有小艇載柴。及鹽魚者。奔進。若避賊狀。官軍問
蕭養所在。言未脫口。伏兵出。柴中。偷清。盡燬其軍。賊
擁清至城下。使蕭泉開門降。清罵賊。而疾蕭養既辱
勝。遂借號改元。掠五羊驛。為行宮。授偽官者。自餘人
九月朔也。先遣使來言。欲送。上還京師。使回以金百
兩銀二百兩。綵段若干。賜也先。○是月六日。郡王即皇
帝位。遙尊。上為。太上皇。帝大赦天下。改明年為景
泰元年。於是天下始知有君。朝綱始尊。法令始行。○也

者爲之邪

見見略

先復遣使至書辭倖戾兵部尚書于謙見帝泣言曰
虜賊不道氣滿志得將有長驅深入之勢不可不預爲
計邇者各營精銳盡遣隨征軍資器械十不存一宜急
遣官分投召募官舍餘丁義勇起集附近民夫更替浚
河漕運官軍令其悉隸神機等營操練聽用仍令工部
齊集物料內外局廠晝夜併工成造攻戰器具京師九
門宜令都督孫鏜衛瑄等統領軍士出城守護列營操
練以振軍威選給事中御史如王竑並分投巡視勿致
疎虞徙郭外居民于城內隨地安插勿爲虜所掠通州
橋上倉糧不可捐棄以資寇宜令在官人員悉詣關支

三未足也
也聽于兩
倚于此益
信

人之功名
實不可

准作月糧之數實為兩得。帝嘉納施行之。○進陳循
戶部尚書、高穀工部尚書，仍兼學士、商輅、彭時並進侍
讀，時以憂制去。○擢邸府左長史儀銘為禮部左侍郎，
右長史楊翥為兵部右侍郎，審理正俞淵為太僕卿，審
理副余儼遷會都御史，伴讀俞山為鴻臚寺丞，楊輿為
戶部郎中。先是，帝在邸邸吏部奉勅擇儒官為官寮，
人皆托故避之。銘等不得已而就。銘由翰林侍讀，翥由
修撰為長史，綱及儼由中書舍人為審理。山與輿出訓
道為伴讀，皆不由科目發身者。不料一旦遭逢，及此後
銘終太子太保、兵部尚書，翥終禮部尚書，山歷吏部侍

預料如此

我朝民壯
之制權輿
于此

郎與至戶部侍郎綱遂入內閣加太子少保○擢兵部
郎中羅通給事中孫祥皆爲副都御史分守居庸紫荆
等關○命侍講徐埏楊鼎檢討王詢等行監察御史事
分鎮河南山東等處要地撫安軍民○令各處招募民
壯就令本地官司率領操練遇警調用○赦叅將石亨
出于獄總京師兵馬退虜贖罪亨有威望方面鉅軀類
垂至膝望之竦然

十月朔也先以送土皇還京爲名與其可汗脫脫不
花入寇紫荆關京師戒嚴先是太監喜寧胡種也土木
之敗降也先盡以中國虛實告之遂爲鄉導奉土皇

成山侯才
以統燕京
阿外城漢
爲太監興
安所歸

潤漢卓見
鎮之以靜
不爲解議
所掩
可謂朝廷
有人豈可
以官者而
沒其善也

焚城外倉
以此聖道

皇明法外錄 卷二十一

自紫荆關入敗我師殺指揮韓清等都御史孫祥走成
朝野洶洶人無固志太監金英召廷臣問計侍講徐理
以占象倡言京師不可守必須南遷英叱之令人扶出
明日于謙上疏抗言京師天下根本宗廟社稷陵寢
咸在百官萬姓帑藏倉儲咸在若一動則大勢盡去宋
南渡之事可監矣一步不得離此英是謙言宣言于衆
曰成則君臣同一處成耳有以遷都爲言者上命必
誅之乃出榜曉諭衆心稍定固守之議始決○時承平
日久城外壩上等處倉場草束豆料堆積動以數百萬
計于謙聞虜臨關急分遣五城兵馬司縱火焚燒一面

宋時遣人
圖汴京城
李廣圖之

奏聞或謂事重何不待報謙曰事有經權今寇在日前
若少緩待命下適以資虜藉此持久坐困于我非計也

○也先犯京師焚長陵憲陵景陵殿寢祭器遂大剽剽
令石亨等軍于城北于謙督其軍都督孫銳軍于城西
刑部侍郎江淵叅其軍皆背城而陣敵交趾舊將成山
侯王通爲都督與陞鴻臚寺卿楊善爲副都御史協守
京城時衆論戰守不一陳循等言兵敗之餘宜固守且
賊乘勝遠來勢必難久可伏兵歸路擊之尚寶司丞夏
瑄陳四策曰虜乘勝遠關其鋒不可當然能野戰短于
攻城且堅壁勿戰使進無所得退復氣沮然後出奇設

接時急移
不悉父風

中原氣操

伏諸道奮擊破之一謂虜深入吾地宜令死士夜襲其營令各伏內地以待追者一謂虜既舉國入寇邊無所禦宜調邊兵之半入捍京城內外夾攻彼將自潰一謂我軍依城爲營進無死志退有所歸宜嚴號令以堅其志如以三隊爲法前隊戰退令中隊悉斬以殉容而不斬者同罪則士畏法而不畏敵矣詔趣行其策○也先犯京城召宣府遼東兵入援石亨等與虜戰敗之也先遁復奉 上皇北去虜既抵城下連日攻城四散抄掠亨衆與之戰殺傷相當虜知我有備少沮喜寧嘆也先遣使來議和索大臣山迎 駕衆知其詐以通政司參

議王復爲禮部侍郎中書舍人趙榮爲鴻臚寺卿出迎復等至虜營露刃夾之見上皇及也先也先謂爾等皆小官可令胡濙王直于謙石亨楊善等來復辭歸上皇諭二人曰彼無善意爾等宜急去二人方回而虜復縱騎四面剽剽攻城益急石亨折弓厲聲曰宰臣不出計策莫能支矣先是陳循等疏請勅宣府遼東總兵楊洪曹義各選勁騎與官軍夾擊至是又請爲聖旨榜文數道諭回回韃靼及漢人有能擒斬也先來獻者賞萬金封國公復寫書作喜罕與司禮監太監興安云約誘也先入陣宜乘其孤軍合兵勦殺詔許之爲也先

石亨敗處

從信錄

在焉此詳

紀之以為

中原吐氣

氣自倍

選卒所獲既而宣府遼東兵至我軍大振石亨統兵出
安定門即與虜遇挺刃單馬進左右馳突獨殺數十人
彪又持斧率銳兵從之諸軍催呼踴躍聲震天地虜却
而西亨等追戰城西虜復却而南亨令石彪率精兵千
人誘虜南至彰義門虜見彪軍少逼之亨率眾來
潰南奔亨日夜追虜三日至清風店北虜將出紫荆倒
馬關懼我攝其後亨遣謀者詣虜亨且未至陣中將者
假亨名耳虜果之來攻我軍亨率彪與精銳數十騎奮
擊大呼直衝湧陣刀斧齊下殺虜數百人虜始知亨在
亂相蹂躪亨悉眾乘之盡棄所掠之物遁亨既敗虜

石爺爺

餘威所憚

威名益震虜不敢入輒請和見邊人呼爲石爺爺封武清伯進侯總京營彪爲都督僉事參將大同○虜旣敗復擁上皇北去是月十五日也脫脫不花聞之遂不敢入關亦北遁○上皇出紫荆關連日雨雪乘馬踏雪而行上下艱難遇險則袁彬執控哈銘亦隨之旣入虜營也先來見宰馬披刀割肉燎以進云勿憂終當送還食訖辭去○脫脫不花遣使來獻馬議和朝廷却之胡漢王直曰脫脫不花也先君臣素不睦且受其獻以聞之從其言使人入見賜衣服酒饌金帛視常年有加○二十二日遣都督楊洪孫鑑范廣等率兵二萬擊餘

從古以來
屠殺皆然
中國人先
存畏心風
聲鶴唳自
為辟易良
可治嘆

滄四川江
津人

虜之未去者遂破虜于固安逐至關盡殲之奪回人口
萬餘其實胡人不過百餘騎散掠各郡驅人畜以自權
衛望之若萬衆然猶殺官軍數十人洪子俊幾為所殺
○命都指揮董寬率兵督河間瀋陽等衛緝捕盜賊時
舊降虜安置畿內者乘時並起為盜故也○改刑部侍
郎江淵為戶部侍郎兼翰林學士入內閣預機務○擢
吏部侍郎何文淵為吏部尚書文淵初由温州知府起
陞刑部侍郎數年以病乞歸至是廷臣乞起之乃召為
戶部侍郎至京遂進尚書尋加太子太保○改戶部尚
書周忱為工部尚書仍巡撫兩直隸時蘇松糧運不繼

光緒事周
臣敬提

仍命忱巡撫添撥民運數百萬石承造軍器數萬件皆
○只是才優○
麟次發運未嘗愆期

時邊事緊急工部移文成造盛甲腰刀以數百萬計
其盛俱要水磨明亮忱取所積餘米依數造成且計
水磨明亮非歲月不可普令罷錫
以副急用其處事周而敏多類此

調定之暇
論洪等將

十一月以虜既退京城戒嚴降詔撫安天下○楊洪等

升繁脣起
為驛員未

班師還京論功封楊洪昌平侯石亨進爵武清侯加于

開撫治迎
鑒也雖不

謙少保總督軍務餘陞賞有差

足則亦不
必賞

楊洪起行伍生長邊陲雖尚機謀紀律頗嚴士卒用
命以故累立邊功歷陞將帥且善育兵遇虞必提其
慮戒劫嘗出其
不意虞其畏之

時大臣有奏留邊將守京師者兵科給事中葉盛上言

平信輝
有功可賞
北門鎖鑰

今日之事。邊關爲急。往者獨石馬營不棄。則六師何以
陷。土木。紫荆。白羊。不破。則虜騎何以薄都城。卽此而觀。
邊關不固。則京城雖守。不過僅保九門無事而已。其如
陵寢何其如郊社壇壝何其如田野之民荼毒何。宜急
造固守。宣府居庸爲便。從之。先是土木旣敗。邊城多陷。
官府孤危。朝議復召宣府總兵。率兵入衛京師。人心益
皇皇。或欲棄城衆紛然爭就道。都御史羅亨信不可。仗
劍坐當門拒之。下令曰。敢有出城者。手斬之。衆始定。城
中老稚惟呼曰。吾幼生矣。因設策捍衛。督將士誓死以
守。虜知有備。不敢攻。北門鎖鑰。賴以保全。亨信之力也。

北志之略
有守士也
夏可以武
吳日之

古今立國邊藩為急。我朝建都幽燕。逼近胡境。未
寧既失。所恃者宣。廣。山。為屏蔽。正統之末。當國者惟
知保京師。而付宣。廣。于度外。弗思宣。廣。苟不守。則山
後皆淪寇壤。彼發之外。而胡騎鳴。鎗。北門矣。何以為
國。幸而羅公忠義奮發。誓死以守。不獨一城生聚。蒙
福。而京師實賴之。故世謂事信。有社稷功。信矣。至守
大同。則郭登
之績尤偉焉。

擢勲衛郭登為都督。食事協守大同時。我師屢劄邊。到
無完地。大同軍士戰沒之餘。城門盡閉。人心土崩。有愛
登者。泣謂之曰。事已至此。奈何。登曰。天若祚國家。必
無可憂之事。若胡勢其過。吾與此城誓相存亡。當不使
諸君獨歿也。登雖處危疑。而氣益壯。弔死問傷。親為理
創。傳藥。晝夜籌慮。修城繕兵。以圖後舉。既而虜侵京師。

定議此舉
雖不及行
而風聲所
暨足振中
國之氣

登議率所部并糾集忠義從馬門入援先以蠟書馳奏
大畧謂胡馬南驅三關失險虜賊流連內地爲患非輕
欲悉起各處官軍民壯入護關庭京兵擊于內臣兵擊
于外使賊有腹背受敵之虞首尾不救之患且曰忠誠
切已敢忘報國之心成敗在天不負爲臣之節奏至賊
已退優詔褒答焉

郭登率兵與郭子興之孫
從征麓川有功陞是職

寧陽侯陳懋尚書金澤等討福建盜執鄧伯孫誅之餘
黨悉平先是懋等受命南征至建寧鄧茂七已死伯孫
繼之勢益熾懋等乃出榜招諭立賞格能自相擒殺來

以賊攻賊
其法無如
所聞之妙

以圖平

降者與斬敵同賞於是擒斬而降者相繼有千戶龔遂
榮者入龍溪山中降其衆數千而還賊將張留孫勇而
提闖自茂七起事恒倚仗之遂榮乃以書遺之許以自
新使謀佯若誤者傳致之伯孫伯孫果疑留孫殺之由
是賊將人人自疑龔伯孫來降遂進兵沙縣破貢州掛
口陳山諸寨伯孫就執乃分兵解汀漳之圍入閩遂平
○命都督同知董興總諸道兵討廣東盜黃蕭養以兵
部侍郎孟鑑贊理軍務會都御史楊信民巡撫廣東○
上皇北至小黃河蘇武廟虜營伯顏帖木兒之妻阿捷
刺阿哈刺令使女設帳迎駕宰羊進酒進膳尋值

正而婉

事雖微
之以見

聖節也。先上壽進蟒貂裘筵宴。上皇在虜庭未嘗少降辭色也。先以車載其妹。欲以上配時。譯使吳官童隨侍言于上皇曰。焉有萬乘之君而爲胡墻邪。後史何以載却之。則拂其情。乃給之曰。爾妹朕固納之。但不當爲野合。待朕還中國。以禮聘之也。先乃止。又選胡女數人薦寢。復却之曰。留俟他日爲爾妹從嫁。當併以爲嬪御也。也。先益敬服。聖德韞衆。每夜遙見上皇所御帳房。上有火光隱隱。若黃龍交騰其上。近視不見。哈銘與袁彬俱常宿御寢旁。天寒時。每夜上皇令彬以兩脅溫足。一日上皇晨起。謂銘曰。汝知乎昨夜汝

伯顏妻亦
奇女子也

宋史雜中
三殿佳話

以一手壓我胸、我不動、俟汝醒、乃下其手、因言光武與
嚴子陵共臥事、曰、汝今日與子陵一般、銘頓首、上皇
曰、回朝着汝做都指揮、上皇或夜出帳房、仰觀天象、
指示二人曰、天意有在我、終當歸也、上皇嘗使哈銘
致意于伯顏妻、令勸伯顏送還朝、妻曰、我女人何能爲、
雖然、官人洗濯我侍巾、悅亦當進一言、伯顏嘗因獵得
一雉并酒一盅來獻、銘因奏一比喻曰、大海水潮時有
一大魚隨潮落在淺水灘、彼大海中魚、如何在淺水中
住得、這大魚急欲還歸大海中、潮水不到、如何去得、一
旦潮水接着淺水、這大魚還歸大海也、上可寬心

事舉榜
聖甘州
入陝西
趙京

周氏皇太
子生也

時至自不能留憂成疾病悔無及矣○虜寇遼東提督
都御史王翱等嚴兵禦之虜遁去

十二月虜寇甘州提督軍務都御史馬昂令人畜悉入
城堡簡精銳選騎射環甲冑出屯山陞以伺之虜聞遁
去○尊 皇太后孫氏為上聖皇太后尊生母吳氏為

皇太后冊妃汪氏為 皇后冊 上皇宮嬪周氏為貴

妃○追封英國公張輔為定興王謚忠烈

張輔為 文廟功臣平交趾回進爵為公位累臣上
果 朝什優寵之為人寡言笑嘗力過八重車後之
士為本朝
武臣之冠

改刑部尚書金濂為戶部尚書加太子太保

濂，淮安人，初爲御史，巡按廣東，一毫不取。廣人深德之，爲副都御史，則遷儲充足歸京，奏對弘治，拜刑部平閱冠，加太子太保，改戶部。後卒，追封沐陽伯，諡榮襄。

命禮部右侍郎俞綱兼翰林學士，入內閣辦事。

綱，金陵人，以生員薦入翰林，謄寫宣廟實錄，除中書舍人，改郎府審理正，以從龍恩，驟進得預密勿，時以爲異，入閣三月，又改南京禮部侍郎。

令順天府所屬州縣寄養各處，起解備用馬匹，依照北直隸事例，給糧分養。國初官馬養于各苑，馬寺各監苑，永樂中始以官茶易和林等處馬，養之民間，謂之茶馬。正統末，京師有警，選取以備軍資，養于順天府近京屬縣，謂寄養騎操馬。及京師無事，寄養之馬不復散去。

至今遂爲故事，每歲滋生陪補，民多獎云。

景皇帝紀

帝宣宗第二子，貴妃吳氏所生，初封郡王。其宗北狩，奉孫太后懿旨，皇太子幼，未能踐祚，以帝年長，監國既而羣臣勸進，遂正大位。在位七年，其宗復辟，廢帝爲郡王，歸西內。時帝已病，越數日崩，成化十年，命復帝廟號，上尊諡曰恭仁康定景皇帝。

庚午景泰元年正月朔，帝受朝覲賀。○上皇在虜營，爲表祝天行十六拜禮也。先迎于斷頭山，作年譜。上皇幸其帳，宰馬設宴也。先妻妾皆出叩頭奉酒。○上皇在迤北。○上皇書至，率大臣來迎，命公卿集議。羣臣因奏請遣官使北，進冬衣，有旨欲能識太上皇者行。群臣懼。

此事近歲
亦創廷議
殿之制也

謝罪繳納原奏、專遂寢。○進內閣學士苗衷、兵部尚書、
尋致仕。○初、開經筵、命太保寧陽侯陳懋、知經筵事、內
閣陳循、高穀同知經筵事、江淵、商輅及侍郎儀銘、俞山、
俞綱、祭酒蕭鏊、侍講學士劉鉉、諭德趙琬、皆兼經筵官。
進講相傳、是時每講畢、命中官撒金錢于地、令講官拾
之以爲恩典。時高穀年六十餘、俯仰不便、無所得、一講
官常拾以貽之。識者病其褻狎。

宣德中、李時勉爲侍講學士。一日、宣廟懷金錢至
史館、散之于地、令諸臣拾取。時勉獨正立、乃呼至、恭
以袖中餘錢賜之。則金錢故事、其來久矣。

內侍覃增有罪下獄、時增恃寵驕縱、勢日熾、大臣有侯

而懲治之
不私官屬
足徵邪惡

其生日結約武弁持賄拜賀其家如往年之事王振者
都給事中林聰偕六科十三道上疏暴其罪惡且曰復
起羣邪趨媚之風大開小人奔競之路乞急治之不然
必蹈覆轍帝覽疏即命錦衣衛捕治之後雖獲釋然
不敢復肆○都督汪全恃威耽勢縱家人奪民田御史
朱英等劾之有旨責全歸其田于民○北虜入朔州大
同總兵郭登敗之詔封登定襄伯虜自屢勝以來出入
自由未聞有一兵拒之者登不勝憤畫夜拊循將士教
以忠義定爲賞格期必殺賊忽報東驛賊入境登率兵
躡其踪行七十里至水頭日已暮休兵以覘之夜漏下

以寡勝衆
只是無性
心也一有
怯心雖
萬無能為
矣

二鼓報二十里東西沙窩賊營十二皆自朔州搶掠而
回者登召將士問計或言賊衆我寡莫若全軍而返爲
善登曰我軍去城已百里若一退避人馬疲倦賊以鐵
騎來追雖欲自全得乎卽按劍起曰敢言退者斬於是
徑薄賊營天色漸明賊以數十騎迎戰登奮勇先登諸
軍繼之呼聲出山谷登射中二人手刃一人遂大破其
衆追奔四十餘里至栲栳山共前後斬首捕虜二百餘
騎奪回被擄人物器械以萬計授開賜勅褒美進定襄
伯是役也登以八百騎破虜數千騎自虜衆入寇以來
此爲戰功第一登爲將智勇善撫士卒紀律嚴明料敵

郭定與字
大同應而
助謀有古
良將風
其為提地
龍等可謂
智巧之極

制勝動合機宜在大同與賊相拒一年大小數十戰未
嘗挫衄常恨馬少步卒追賊不及乃以已意設為掘地
龍飛天網等法鑿為深塹覆以上木人馬通行如履實
地賊入圍中令人撥其機自相擊撞頃刻十餘里皆陷
又用砲石擊賊一發五百餘步每人馬死者數十賊憚
以為神云○侍講劉定之上言十事一日守禦非者紫
荆居庸等關既不能禦虜之入又不能過虜之山名為
關塞實則坦途蓋軍士寡弱亭障缺敗蹊隧疎漏非朝
夕之積也今宜增兵士繕亭障寒蹊隧如古者畫界分
守因其陸地則縱橫掘塹名為地網因其水泉則遏處

停蓄號曰木植。或多植榆柳以制奔突。或多招土軍以助官軍。一日降旗。往年以來。降胡皆留居京師。授以官職。給以全俸矣。非我族類。其心必異。故昨者或衝破關塞。奔歸故里。或乘伺機便。寇掠畿甸。今宜乘大兵聚集之際。遷徙其衆。遠居南土。禁其種類。不許自相婚媾。變其衣服。不許仍遵夷俗。或以爲民。使與吾中國之民里甲相伍。相雜以牽制之。或以爲民。使與吾中國之民里甲相錯。以洙化之。庶可省全俸之給。減清曉之勞。一日練兵。臣觀向者兵士受粟布于公門。而納月錢于私室。於是手不習攻戰擊刺之法。足不習坐作進退之宜。目不識

旗幟之色耳。不開金鼓之節。但見其或負販貨財。以爲
 商。或習學技藝。以爲工。而工商之所得。僅以補月錢之
 費。蓋民之膏血。兵之氣力。皆變爲金銀。以惠姦。先一旦
 率以腐敵。如驅犬羊。以當虎狼。幾何不敗哉。今宜痛革
 月錢之弊。作新操練之政。一曰議政。夫人主當總攬乾
 綱。親決政務。凡政事有早朝未及決者。宜日御便殿。近
 臣侍于側。大臣奏于前。言官察其邪正。而加糾彈。史官
 書其言動。以示勸懲。陛下遵而行之。則決于萬幾也。
 益以熟而察于百官也。益以明。聖政益新。天命益隆。
 矣。其六事。言戰陣。選將。選使。臣。選守令。重經筵。教武備。

舉入監
下此後
以此以
以此以
以此以
以此以
以此以
以此以
以此以
以此以

皆切時務

上嘉納之○以邊圉事殷令天下生員納

粟上馬者許

入監限一千人止其上選事例每與歲貢

同

祖宗朝最重太學慎選貢途文行兼備者積分自廣
業堂升至率性堂即得銓選京職方與進士等故
洪熙初簡選監生吳信等為給事中厥後其法寢廢
迨至納粟上馬制行與舉貢皆一例後次歷聽選
無復發策之實矣倫堂遂為錢庸交易之地大司成
止為執簿檢歷之官博士助教徒為冗員無所事事
太學虛文視天下郡縣學校相去何能以寸
閱歷世變何可勝慨

閏正月郭登獲虜謀二人械至京皆也先所親信鞠之

云喜寧與也先謀遣人至京覘兵衆寡大明皇帝立

未立期今年五月名送上皇奪京城誘也先入寇皆

喜寧及小田兒也。先戰大同，把八平章戰北京，卯那孩平章及其弟孛羅成人馬約九萬，戰疾疫，成不下萬餘。老營駐九龍口，其精銳在斷頭山。又言虜甚怕我大砲，神銃短鎗，登得此息，知請和之難，時思得公。廉有爲者，相與共事。上疏曰：往者承平日久，人心驕逸，在官既無廉耻之心，蒞政惟肆貪淫之志，釀成汙濁之風，致有夷狄之禍。又曰：虜勢雖云請和，變態豈能豫料？倘或渝盟，則大同一鎮，首先受敵。及今無事之時，若不早爲措置，一旦賊至，又似前日束手無措。中國受侮已深，邊事豈容再壞。上下其疏于有司。○山西行都司天城衛

生機體操
幽已厥矣
未聞有窮
攻者而賈
城發國難
發于今矣

史賈弒上疏言漢桓帝不任賢臣權歸宦官唐文宗忽
于良佐受制家奴宋之徽欽從虜北行亦開寺用事之
所致也太上皇帝失位去國皆由倚托匪人然羣臣
無一捐生以赴難者事君能致其身豈空言與皇上
肇登寶位宜法高皇帝以爲治事無大小悉經宸
斷除去竊柄閹人專備灑掃凡阿諛者必斥之端本澄
源謹終如始則天下一新矣臣于歷代直諫盡忠守節
之士與特寵宦官擢其要者錄成四卷名之曰忠義集
伏乞刊布臣寮必能觀感以興起忠義之誠而宦者亦
不得縱恣究之私矣事下禮部尚書胡濙覆奏謂弒宦

儲備明
格之得非
異能者
郭

皇明通志

卷二十一

景皇帝

王四

雖有理然章皇帝御製臣鑑已行頒給足為勸戒所

編不必刊布且言斌擅自離役發回原衛

洪武中有典史馮堅言放制官實事稱旨調覆
食報與史斌遇高皇帝嘗與馮堅同升矣

贈前侍講劉球為翰林學士諡忠愍

球二子長鉄次鈺皆好學通春秋痛父死于非命皆
杜門家居養母絕意仕進及王根馬順成球被褒贈
時刑部侍郎楊寧巡撫江西召二子慰勉之曰先公
忠義顯白子可以出而仕矣乃出應舉鈺即舉是秋
鄉試第一尋兄弟並登進士鉄仕至左參政鈺選為
翰林庶吉士改御史任至雲南按察使後子孫科第
繼絕下絕人謂天
固所以報忠愍云

三月虜奉 上皇至大同分道入寇是月虜入蕎麥川

偏頭關都督杜忠擊敗之虜又入萬全入寧夏至慶陽

復奉車駕至大同諸虜大掠蔚朔分寇宣府諸城時獲虜謀言田達子道也先與賽罕王大同王荅兒不花王鐵哥不花王鐵哥平章脫脫不花王分道入寇虜意欲上皇不忍諸邊受害促賂議和迎駕

夏四月宣府遊擊楊俊擒喜寧檻送京師伏誅楊洪庶子俊充遊擊將軍時出宣府經畧獨石諸城是月二十二日上皇以久無使臣往來而喜寧又潛懷二意數敎也先擾邊乃令袁彬至也先處說爺爺有旨要差總旗高鑒太監喜寧達子那哈出回京也先依聽上皇又密書喜寧謀叛情跡令鑒到宣府與總兵官以計擒之

廣州賊平

馬賊聚
通微且深
合用兵之

及至野狐嶺高荃與喜寧飲城下密約城上子進湯時
卽發短鎗少頃鎗發達衆走散荃抱喜寧滾下壕中遂
擒入城哪哈出回營報知上皇喜曰這厮使兩下動
干戈害人如今拿了邊上方得寧靜我南歸也可期了
楊俊送喜寧至京誅之以功陞都督○都督董興等大
破廣州賊黃蕭養等誅之楊信民先爲廣東叅議有惠
政恩信素孚于民及受巡撫至廣州民爭歸之信民
發粟賑濟民益喜賊衆散旣而信民率興等帥兵至
時天文生馬軾隨行至中道夜半聞雞鳴興問之曰此
何祥也對曰雞不以時鳴由賞罰不明願公嚴軍令經

枯竹生枝
而光亂大
星夜墜而
基亡盜賊
亦聞天數
邪

清遠峽有白魚入舟中。軾曰：昔武王伐紂，有此徵。此逆
賊授首之兆也。時蕭養聚船河南千餘艘，勢甚張。衆欲
請益兵。軾曰：兵貴神速。若復請兵，則緩不及事。以所徵
兩廣江西狼兵取勝，猶拉朽耳。興從之。三月初旬，夜有
大星墜于河南岸。軾以所占告曰：四日內破賊必矣。興
率軍至大洲頭，與賊遇，果破之。蕭養中流矢，果被擒。伏
誅餘黨悉平。興後封海寧伯。天順中，坐曹吉祥黨，謫戍
廣西。○銀坑賊自葉得留，死復擁葉希八等爲渠魁，劫
車盤嶺，掠取器仗，回劫浦城，焚其縣治，民居過龍泉從
者至數萬人。掠雲和山中麗水楊希，鮑村陶得二名，率

衆數千人歸之居數月賊謂其黨曰山中出掠不便不若由米湖書掠二城乃結寨駐鮑村取貨於義烏掠人於松陽官軍雖衆不能越馮公嶺而相迫矣衆從之遂掠府城守臣遣使從溫台告急于省御史命都指揮沈麟希議耿定僉事王晟帥兵四千至處州嬰城自守月餘賊縱掠益甚諸守臣復遣使詣省告急御史盛琦黃英先後以聞朝廷命總兵官徐恭帥兵二千馳至處州亦城守不敢出復遣使往福建告急于張楷時有制下張楷令福建賊稍平以餘黨付金濂楷還師討處寇楷未至處城中乏糧餉諸將日對泣五月賊攻城急徐

恭等出禦之沈麟耿定王晟等皆敗歿徐恭僅以身免入城固守不敢出。公何張楷入浙至衢州僉事陶成往迎之。泣陳其事。楷分兵水陸進至金華。令軍中制竹笆三百五十面。色如脾製糊以紙。畫獸形可禦賊鎗。乃兼程進至處州界。至銅山寺駐師。賊遣人求撫。實覘之也。遂給榜示付之去。時官兵陣于平地。賊衆萬人出山索戰。官兵分三陣。賊攻中軍。楷等令回達馬軍射之。歿者三百餘人。左右合擊歿者又二百人。持鎗者多爲竹笆所制。益鎗入竹隙。急不得出。多被擒。賊敗潰。斬擒甚衆。捷聞。千戶沈俊謂其部下多麗水鮑村人。父子兄弟陷

賊中者衆，有何受等三人，自言于陣前，見其親屬，令欲招撫。俊以此三人往，可得要領。楷從之，令齎榜入山，反覆曉諭。詞亦通徇。楷至以老母百口與誓，賊乃先令陶得二出見楷，優加賞賚，令歸山中。同賊首葉希八等，并其黨十餘人來，楷納其降，給帖令復業。事聞，兩得璽書諭楷相機撫勦。楷等奏賊聽招復業之說，方上而賊首陶得二等回山，復疑懼，擁衆如故。賊在慶元大社者，又出掠麗水、青田、攻武義。武義無城，惟木柵，陶成築內之。勸稍却，以避其鋒。成不可。麾兵與戰，自辰至申，俄而城中火起，兵遂潰。成策馬突陣，成之未幾，得璽書諭楷廣

布恩信戒官吏勿相擾激不聽撫者調兵勦滅惜遣官
入山再招陶得二等始聽招盡焚其砦寨出降餘黨聞
風悉解散。

成廣西鬱林人事聞贈右參政配享越國公胡大海
廟諡子曾爲東廣新會縣丞英宗北狩首經事大
臣多陷沒主者議措無功下之獄
議罪議上以冠平功贖罪放歸

立京營團操法

立京營團操法兵部尚書于謙以京師兵馬分隸五軍
神機三千諸營者雖各有總兵然不相統一每遇調遣
選摘湊撥號令不同兵將不相識或至誤事乃議揀選
諸營馬步官軍一十五萬分爲十營每營各以都司總
領每五千用都指揮一員每千又用都指揮或指揮一

十五員把總，每五百名用指揮三千員，分管每隊用管
隊官二員，管令在營操練，體統相維，兵將相識，出征就
令原管都督等官統領前去，號令歸一行伍，不亂迄今
團營之法，守而不易。○戰左都督楊俊，俊先守備獨石
馬營等處，土木之變，奔城逃歸，馬營龍門等八城皆不
守，既而命爲叅將，帥兵巡哨懷來等處，復擅調未寧，
備官軍于懷來，守備將未寧城西門砌塞，于謙劾其方
命專權，擅作威福，詔宥不問，俊又以私怒都指揮陶忠
杖撻凌辱而死，其父洪懼禍，奏取俊還京，隨營操練，既
至，謙併劾其獨石奔城，喪師辱國，及懷挾私讎，極力違

倭亦曉將
也獎之可
惜于公大
意全在垂
戒將來

將王監國
不欲急君

將之罪謂非誅倭無以懲戒將來兵科給事中葉盛等亦劾之於是逮繫法司議罪斬于市

六月北虜使來議和遣禮部左侍郎李實等使虜先是也先以和議不成俾其知樞密院阿剌爲書遣叅將完者脫歡齎奮文赴京請和是時韃靼國政皆也先專之其兵最多脫脫不花雖爲可汗兵頗少知院阿剌兵又少君臣鼎立外親內忌其合兵南侵利多歸也先而榮則均受及欲和耻屈意而陰使阿剌等來言於是禮部會奏虜遣使迎復當從明日帝御文華殿召文武羣臣諭曰朝廷因通和壞事欲虜絕而卿等果以爲言何

邊人謝之
曰國有主
矣此鄭公
孫申之謀
也

是臣子之
至情與安
卓然有守
人不為干
越于才幹
乎佛其不

也吏部尚書王直首對謂上皇在虜理宜迎復必乞遣使勿使有他日之悔帝不憚曰當時大位是卿等要朕為之非出朕心少保于謙對曰大位已定孰敢有議但欲答使盡禮紓邊患耳於是帝意始釋曰從汝從汝言已即退羣臣出太監安興復出傳旨呼言爾等固欲答使且言孰可行者孰為文天祥富弼其人邪衆未答王直面發赤厲聲曰豈可如此言今日羣臣皆朝廷人一惟朝廷用孰敢有不行者如是言之至再與安語塞既而陞都給事中李實為禮部左侍郎羅綺為大理右少卿充正副使以行勅書既下則惟言報禮不及

欲迎復術
其將意也

迎復實驚訝請內閣白之遇興安被詔曰爾奉黃紙幹
事他何與焉實遂偕虜使北行

七月朔李實等起行十一日至也先所營也先見實等
歷詰前次所遣使臣見殺不還之故實等一一答之也
先因曰大明皇帝是我讎人自領軍馬與我廝殺天
的氣候落在我手裡衆人教我害他我再三不肯他是
一朝人主我特着知院伯顏帖木兒早晚恭敬不曾怠
慢你每捉住我留到今日麼實曰此足見太師仁厚之
心也也先曰你們來得好我正歡喜料得你每事務成
就了若不來呵我們七月十五日人馬到北京也明日

言及此舉
將王振等
悉皆殺之
屍亦不足
副其罪

王振專權
使無人言
之祇速死
耳則珠實
為殺驗

引實等見上皇進紵絲四疋及糯米魚肉爆炒燒酒
等實等泣下行禮畢見上皇所居者皮帳皮褥席地
而寢牛車一輛馬一匹以為移營之具而已上皇謂
實等曰當初朕非以遊畋而出乃為生靈計不意被留
皆王振輩所致也及也先實意送朕回又被喜寧屢次
阻住因問聖母及今上安好否上皇泣然淚下既
又問舊臣數人又曰在此踰年始見卿等實因奏曰昔
陛下錦衣玉食今服衣麤陋不堪因極言王振昔日寵
之太過以致傾危國家陛下蒙塵之禍上皇曰振
未敗時無人肯言此亦朕不能燭奸今悔何及也先宰

勝亦好名

馬置酒以宴實等實因言來迎之意也先曰大明皇帝勅書內只說講和不曾說接駕大明皇帝留在這里又做不得我每的皇帝是一個閒人我還你們千載之後只圖个好名兒你每回去奏知務要差太監及大臣來迎我便差人送去如今送去阿知勝輕易了復番三言之實等十四日辭上皇歸也先遣右丞相禿同赴京復遣人同羅綺往大同調回山西大同一帶接邊人馬○特虜主脫脫不花普化可汗亦遣其平章皮兒馬黑麻來議和朝廷復欲遣人充使楊善慨然欲往上從之人皆危懼善曰上皇在虜庭食君之祿者於心

鵬冠子曰
 中流失船
 一盡千金
 夫豈能變
 也何以千
 金視哉凡
 遇水患獨
 之可以不
 測則物之
 庶者有時
 乎盛矣揚
 善人品清
 誠不求能
 以新給送
 上皇之
 駕因想元
 骨丹境千
 萬報野心

安平此為臣效命之秋也遂行道遇李實乃告以虜情
 善至虜將也先密遣人點悉者田氏來迎且探其意相
 見云我亦中國人被虜於此因問向日土木之圖南朝
 兵何故解衣甲而走答曰太平日久將卒相安況此行
 只是扈從隨駕初無號令對敵四方無虞只營修寺
 宇而已何曾操習被爾虜兵陡然衝突如何不走雖然
 汝虜幸而得勝未見為福今皇帝即位聰明英武納
 諫如流有一人獻策云虜人敢入中國者只憑好馬扮
 山過嶺越關而來若令一帶守邊者俱做鐵頂櫃子上
 留一空安尖頭錐子但係人馬過的山嶺遍下椎櫃中

術益之士
以出則金
勇二帝
如青城宮
時使有陽
鳴狗盜者
出計以還
軍事何至
北戰不還
後師此說
之甚顯
或曰盜之
雖也可言
一盡千金
矣

傷卽從其計。又一人獻策云。如今大銅銃。只用一個石
砲。所以打的人少。若裝雞子大石頭二斗打去。迸開數
丈。濶者着人馬。卽成。打中最多也。從其計。又一人獻策
云。廣西四川等處。射虎弩弓。毒藥最快。若箭頭搽此毒
藥。一着皮肉。人馬卽成。今從其計。已取藥來。天下選了
三十萬。有力能射者。演習。曾將有罪人試驗。箭去着皮
就成。又一人獻策云。如今放火鎗者。雖有三四層。他見
放了。卽裝藥。便放。馬來衝。若做大梯兩頭。裝錢彈
子數萬。梯上毒藥。排于四層。候馬來齊。發俱打穿肚。曾
試三百步之外者。皆墜。官加賞。天下有智謀者。聞知。其

不肯來提練的軍馬又精銳。可惜無用了。虜人曰如何
無用。答曰兩家和好了。何用。虜人聞此言。前去報知。次
日至營。見也先。問曰。汝何官。曰。都御史。曰。兩家和好。許
多年。今番如何拘留我使臣。滅了我馬。傾輿的殺死。一
死剪我兩死。將我使臣。閉在館中。不放出。這等計較。關
防何如。答曰。比先汝父差使臣到我。太祖宣宗皇帝
前。送馬。不過三十餘人。所討物件。十與一二也。無計較。
一向和好。汝今差來使臣。多至三千餘人。一見 皇帝。
每人便賞織金衣服一套。雖十數歲孩兒也。一般賞賜。
殿上筵宴爲何。只是要官人面上好看。臨回時。又加賞。

妄差人送、去何曾拘留、或是帶來的小廝、到中國爲奸、爲盜、懼怕使臣知道、從小路過去、或遇虎狼、或投別處、中國留他何用、若減馬價一節、亦有緣故、先次官人寄書一封、差使臣王喜送與中國某人、會喜不在、誤着吳良收了、進與朝廷疑怪、乃詰權臣、因說曰、這番進馬、不係正經頭目、如何一般賞他、以此減了馬價、段疋、及某人送使臣去、反說吳良詭計減了、意欲官人殺害吳良、不想果中其計也、先答曰、者、又說買鍋一節、此鐵鍋、出在廣東、到京師萬餘里、一鍋賣絹二疋、使臣去買、止與一疋、以此爭鬪而賣鍋者、閉門不賣、皇帝如何得

楊善友復
辨論數千
百言皆確
中肯綮

知譬如南朝人問使臣買馬價少便不肯賣豈是官人分付他來也先笑曰者又說剪開段疋是回人所爲他將一疋剪做兩疋送與官人充做課程若不信去搜他行李好的都在也先曰者都御史說的皆是今事已往都是小人說壞因見說意思和了又曰官人爲北方大將軍掌領軍馬却聽小人言語忘了大明皇帝厚恩便來殺擄人民上天好生官人好殺將無罪人民擄去有想父母妻子脫逃者拏住剜心摘膽高聲苦叫上天豈不聞知答曰我不曾着殺他又曰兩家今日和好如初可早出號令收回軍馬免得上天發怒降災也先笑

楊善具疏
張之舌可
頂著于應

曰者者時有平章昂克問有何禮物來迎皇帝善曰
太師仁義克順天道敬我君父故送還豈愛財物乎此
舉萬代瞻仰若將財物來後人說太師愛錢了也先曰
都御史說的是昂克說不合理我只圖垂名後世耳也
先復問皇帝回去還做否答曰天位已定再難更改
也也先曰堯舜當日如何來答曰堯讓位于舜今日兄
讓位于弟正與堯舜一般明日善等見上皇于伯顏
帖木兒營又明日也先設筵宴請上皇至其營餞行
也先自彈琵琶妻妾奉酒善等亦侍飲也先曰都御史
坐。上皇曰太師着坐便坐對曰雖居草野不敢失君

楊善等之使猶是往帳誠和非為迎駕也九節送還京豈非天哉不飲來迎者雖景廟之心然其廟之歸寧固于此蓋無意于迎者乃所以迎之也使官時處于迎歸則必

臣禮也先顧美曰中國好禮數又明日伯顏亦設宴與上皇餞行又各設宴與使臣送行初八日上皇駕起也先率衆頭目羅拜而別伯顏率兵護送十一日至野狐嶺伯顏等慟哭曰皇帝去矣何時復得相見良久始別去仍命頭目率五百騎送至京十二日李實等至京奏討使臣奉迎不許文武大臣上章懇請遣使亦不許帝問李實也先講和之意虛實如何實對曰臣入番境彼處虜人皆忻悅夾道謳歌沿途乳酪勸臣飲之咸願和好蓋因彼處人馬相繼病歟又因離家駐邊日久論其和意似有實情帝曰待楊善回來再定奪

以奇貨而
於之矣

景帝當多難之餘能任賢選將南征北距特危為安
易風為治其功可為不細惟不欲迎英廟只此一事
大不是然而事固有機也設使當時憲宗嗣位則所
重在彼勢不能絕虜欲不為宋高不可得何也景帝
則兄弟之義與父子之情既殊此于謙輩所以立景
帝有微意哉不但以長君故耳然則景帝之不急于
迎役者英宗之得送正在此也使急于奉迎則彼必
以為我所重在此肯晏然而已乎如宋之徽欽迎請
愈勤而愈不可得惟不急其君而無意于迎此漢高
分羹之設語所以謬敵而致太公之歸古今一轍矣
景帝雖恩禮有失而繼統為
正廟號胡以至今未後耶

都御史王來擒苗章同烈香爐山平○千戶龔遂榮詔

獄時 上皇已入塞 朝廷猶以虜情多詐為疑禮部

連日會奏議奉迎禮未定遂榮與翰林學士高穀言奉

迎當從厚大意謂 上皇之出非遊畋無非為宗社耳

轉運榮一時正論朝臣皆不及之不意武弁中有此奇士

今都人一聞 駕旋無不喜躍則人心尚未厭 上皇也今日奉迎禮當從厚 主上當避位遜辭而後受命乃可不然恐干載史書難洗穀袖其書入朝以示廷臣曰武夫尚知此禮況儒臣乎王直曰此禮失而求之野耳胡濙欲封進庶見朝野同情以感動 上心都御史王文止之陳循見之志甚言遂榮非分請治其罪遂下錦衣衛獄尋會赦得釋

此事雖是也先輩累受 朝廷恩惠一念之善不可過向非使臣貞忠義之氣發于言辭應對不窮有以疎動觀聽陰折兇惡而開其向善之心則彼未必不猶豫滯留以索利于再四安肯一旦慨然肯肯無疑以回 乘與于不可出之境前代若晉若宋數帝陷人者迎之不得其見其辱耳嗟夫使臣若此千載一

英廟北狩
紫雲殿人
悔納旋還
車駕自方
所無

上皇還京

人而
已

十四日 上皇至懷來將抵居庸禮部始得旨羣臣同
禮部議迎復儀注兵部總戎議防變方略朝退多官集
會議所王文忽厲聲曰來孰以爲來邪黠虜豈誠真彼
不索金帛必索土地有許多事在孰以爲來邪衆素畏
文聞此皆相顧無復有言者胡濙獨具儀注送內閣○
十五日 上皇至唐家嶺遣使回京詔諭避位免羣臣
迎十六日百官迎于安定門 上皇自東安門入 今
上迎拜 上皇答拜拜畢相抱持而哭各述授受之意
推遜良久乃送 上皇至南宮羣臣就見而退大赦天

下○鎮守雲南兵部侍郎侯璉督軍征貴州苗寇有功
進兵部尚書尋卒先是貴州飢苗叛攻圍新添平越諸
衛道梗弗通城中食且盡命璉督諸軍往征之時普定
圍急璉自雲南選善射者爲前鋒自將至普定疾戰矢
下如雨戰大敗圍遂解趨貴州副總兵田禮等以兵來
會克龍里璉城羊腸楊老諸寨新添平越清平都勻諸
圍都解帝嘉其功遂陞尚書又進克安莊西堡長官
司時暑雨方盛疫癘大作璉得疾昇歸普定卒○命保
定伯梁瑤右都御史王來督同叅將都督方瑛陳友等
征勦湖廣貴州等處苗寇先是靖遠伯王驥與都督官

曲突徙薪
杜西青陰
沉之禍如
此妙若非
國手不能

聚張軌等還自麗州卽令征苗聚軌皆失利惟驥擒其
苗重富檻送京師然苗勢愈熾驥亦不能定奏言久在
南裔身染瘴毒乞還朝廷乃以瑤等代之先是永樂
間韃虜來降者多安置于河間東昌等處生養蕃息驕
悍不馴方也先入寇之際皆將乘機騷動幾至不可收
拾至是發兵征湖廣及廣東西諸處寇盜于謙奏請其
有名號者厚與賞犒隨軍征進事平遂奏留于彼於是
數十年積患一旦潛消

十一月上皇萬壽聖節禮部請羣臣朝帝詔免朝○
南京吏部尚書魏驥進表至京以乞老骸骨許之內閣

老成之態

陳循騷考試時所取士也來見請曰先生位雖冢宰然未嘗立于朝願少待事在吾輩而已騷不從退謂人曰梁將以朝廷事爲一已事安得善終

騷浙江蕭山人初舉鄉試爲松江訓導教有成效以薦陞太常博士累遷至今官爲人端厚謹慎簡約動廉前後居官有聲雖若一不勝衣騷王振亦禮重之贊見惟帕一方振亦不較

辛未景泰二年春命右僉都御史王竑巡撫兩淮諸郡時徐淮大飢民死者相枕籍竑至盡所以救荒之術既而山東河南流民猝至竑不待奏報大發廣運倉官儲賑之近者人日飼以粥遠者量散以米流徙者給米以爲道食被溺者贖其人以還其家共用米一百六十餘

即是奇策

側飢見其
仁心願濟
見其仁政

萬石全活數百萬。六擇醫四十人。空庾六十楹。處流民之病者。死者給以棺。爲叢塚。堊之窮。晝夜竭精慮。事事窮理。有所委任。必委曲戒諭。出于至誠。人人爲盡力。先是淮上大飢。帝于樓轎上閱疏。驚曰。奈何。百姓其飢歟。矣。後得茲奏。輒開倉賑濟。大喜曰。好都御史。不然飢歟。吾百姓矣。○徵兵部右侍郎項文曜爲吏部右侍郎。文曜媚附于謙。每朝待漏時。必附謙耳密言。及朝退。亦然。行坐不離。時以文曜爲于謙婢妾。內議患其黨比。乃調文曜于吏部。○令午朝翰林院先奏事。時翰林學士周敘上疏曰。臣職叨班行。伏見永樂洪熙宣德三朝。臨

御大班既退卽于午門上說事各衙門官輪流向前君臣相與商確政務罄盡所言人懷畏憚而事幾不泄成密勿廟堂之美自正統以來王振擅權獨立在旁於是輔弼大臣及近侍官員不得召對對亦不敢盡言以釀成今日之禍宜令羣臣依舊制輪流向前說事止與敷對令知他人不得與聞庶得吐露肝膽而不宣泄于外時不能行

祖宗以勤爲治無日不朝而每日間有早午晚三朝或再朝焉誠有古禮亂之端皆起自蒙蔽蒙蔽之由起自上下之情不通上下之情不通起自君臣不相接見然徒接見而不相親款見猶不見也故聖祖御製大誥首篇以君臣同遊爲開卷第一義

會試天下舉人。命戶部侍郎兼學士江淵修撰林文爲考試官。取吳匯等二百人。廷試。賜柯潛劉昇王俱等進士及第。出身有差。○詔擇顏子後裔希忠。孟子後裔希文。並授翰林世襲五經博士。誠意伯劉基七世孫祿亦授是職。○文選郎中李賢上正本十策曰。勸聖學。顧箴警戒嗜慾。絕玩好。慎舉錯。崇節儉。畏大變。遠貴近。振士風。結民心。大惡言。朝政闕遺。有司利病。生民休戚。中外進言已詳。然有關於上之身心者。或略。臣以爲陛下。下一身。家國天下之本。而心又一身之本也。正其本。萬事理。惟陛下之心既正。則家國天下之事。可以次第。

推行乞留中。以時省覽。詔付外。既而給事中李侃等以
災異上疏。謂李賢忠言宜賜採納。乃復取奏入。命翰林
繕寫。置左右焉。禮部尚書楊寧見其奏。歎息謂賢曰。吾
讀崇節儉一事。殆欲下淚也。時帝頗事聲色。奢侈嘗
以銀豆金錢等物撒地。令官人及宦侍爭拾爲鬧笑。編
修楊守陳賦銀豆謠。大寓諷諫。但未達于上耳。○左
少監阮浪侍英廟。南宮浪下內官王堯者。往蘆溝橋
抽分浪以南宮所賞渡金梁叩綉茄袋。鍍金結束刀一
把與堯。堯歸飲錦衣指揮盧忠家。蹴毬褫衣。忠因見其
袋刀非常制。遂令妻進酒。解堯之。俄而入皇城。白裏

行太監高平以爲南宮欲謀復皇儲令浪送堯以袋刀
賞忠求外應堯竟以此與浪義子趙縉皆凌遲沒產浪
詔獄炮烙煅煉苦楚備至卒不承死獄中上既戮阮
浪猶欲窮治不已忠一日屏人請卜者全寅筮之寅以
大義叱之曰是大凶兆死不足贖忠懼乃佯狂爲風狀
學士商輅與司禮太監王誠等言盧忠是个風子豈可
聽信他壞了大體傷骨肉之情後追問忠果供養真武
以妄言伏誅

寅山西安邑人少警而性聰穎學京房易占斷氣青
中名播四方正統間客游大同上皇旣北符陰遣
使命鎮守太監義當同寅寅能得乾之初九附奏曰
大吉可以賀矣車駕其還乎後七八年必再降臨

而此先復入寇京師。我嚴實時在石亭幕下。召問休咎。實筮之曰。無能爲也。且彼氣已驕。戰之必克。果敗去。明年也。先欲奉。上皇南還。時率以爲詐。實言于帝曰。聖人順天。與義我中國。反失奉迎。禮不爲夷狄笑乎。帝遂與于謙協謀。遣使虜果奉乘輿來歸。上皇來歸。授實錦衣衛百戶。

閩浙盜平。進兵部侍郎孫原貞爲兵部尚書。撫鎮兩省。遂爲浙江。置立宣平。雲和。景寧。泰順。四縣。福建置永安。壽寧。二縣。地方以寧。○巡撫南直隸。工部尚書周忱乞致仕。命戶部侍郎李敏代之。

忱在南畿二十二年。兩遭喪。皆起復視事。上任既。東忱亦盡心職務。爲人謙恭。不立崖岸。謀慮深長。善。未衆論。征輸有常度。貢賦未嘗稽欠。且有贏餘。遇屬郡有荒歉。卽以賑。正。巡。察。縣。除。米。以。補。不。足。之。數。戶。官。府。織。造。供。應。軍。需。及。馬。草。夏。稅。鹽。鈔。驛。馬。鋪。陳。辦。該。徵。者。盡。出。于。所。積。餘。米。蓋。民。賦。歲。輸。石。五。斗。之。外。

鑑江西太
和人一宰
浙江仙居
人

漠然不見他役之及已而官府無復升率之擾諸
學校先賢祠各郡縣渠河道多所修葺治一切取
諸米人爭爲立生祠或因以視之其後戶部言濟
餘米失于稽考奏遣曹屬盡括歸之于官於是不需
雜然適負自昔人益思忱
之功後二年忱卒諡文襄

以祭酒蕭鑑爲戶部右侍郎兼翰林學士入內閣參機

務○以禮部左侍郎王一寧兼翰林學士入內閣參機

務○擢文選郎中李賢爲兵部右侍郎○杖中書舍人

何觀調外任觀時辦事文淵閣奏言大臣舊老如尚書

王直胡濙等正統中皆阿附權姦今此輩老猾不宜在

左右及言北虜之來朝宜驅置于南方忤旨下六科十

三道議以聞吏科給事中毛玉爲奏稿以觀誣陷大臣

武臣忠厚
有識如此
毛玉諫書
人何獨不
然一

檀開邊蒙宜正觀罪等語同列林聰葉威皆勸玉易稿
不從。盛曰。朝廷大開言路。未嘗罪一言者。雖罪觀猶
令我曹看議。益甚盛德也。君獨不念劉球乎。球雖死。人
至今以王振馬順爲恨。此諸君所親見也。雷霆之下。萬
一不測。是我曹爲之而成。朝廷不容直言之名。且諸
君亦言官。獨不爲他日身計乎。玉意改乃稍易數言。而
奏之。有旨令錦衣衛杖觀。調外任。明日盛道遇錦衣門。
二鎮撫語及杖觀事。二人曰。彼何可深罪杖其具數耳。
高汝拭曰。朝廷大開言路。則議事者安得不存大體。
開元時。刺史楊濟生駐當死。朝議杖之。丞相裴耀卿
上疏曰。杖賸死恩則甚。優解體受苦事。頗爲停止。
可施之。使謀不當及于士人。時以爲所存者大富卿。

越大名

公欲誅仲約。范文正不可。曰：祖宗以來，未嘗輕殺臣下。此盛德事。奈何輕壞之？他日主上手滑，吾輩亦未敢自保。及富公使河北，不許入朝。未測朝意，終夜傍徨，不能寢思。范公語繞床嘆曰：范六丈聖人也。今觀文青此論，與范公相照合。而二鎮撫淡杖之言，又與裴羅卿若出一轍。祇覺毛玉之涉鄙耳。

○以進士王越爲監察御史。越博涉書史，爲詩歌文章，援筆立就。而藻思溢發，爲人多力。善騎射，好談說經濟大略。睥睨顧盼，有天下志。三十六舉進士，方對策。大廷忽有旋風起，攝其策，雲表已而不見。皆怪異之。及秋而朝鮮貢使附越策來，而曰：其王方視朝，有旋風捲一物下者，則進士卷也。敢以聞。上問姓名，譏吏部曰：識之。此當任風憲，得監察御史。

皇明通紀法傳錄卷二十一終